

M306: Die Erlösung (B1)

0,148 sie hub ir sti-me an vn- sang
0,149 Die winde hatte- iren doz
0,150 hienz wazzer h' diz hiene vloz
0,151 Vn- funden doch ir vzspring
0,152 sus ware- aller hande ding
0,153 Geschaffen wol nach wunse gar
0,154 des nam ir shepph' guote war
0,155 EEr sprach nach gotlicher e
0,156 "wir solle- da-noch schaffe- me
0,157 Eine- man gar wirdeclich
0,158 d' sal sin vns selben glich
0,159 Er sal vnser bilde han
0,160 ieme sol auch wesen vnd'dan
0,161 Waz nuo hie geschaffen ist"
0,162 er nam dar nach i- kurzer frist
0,163 Ein gar lutz el erden
0,164 dan vz so hiez er werden
0,165 Einen man gar lobesam
0,166 mit name- hiez er ien adam
0,167 Er sazte ien in das paradys
0,168 daz er were in alle wis
0,169 aller dinge ein crone
0,170 daz sie ieme alle shone
0,171 Vnd'danig sultin sin
0,172 diz sach vnser drathin
0,173 Vnt duoth en alliz same-t guot
0,174 nuo was sin gotlicher muot
0,175 D' man were vbele eine
0,176 er nam vze sime gebeine
0,177 Ein rippe vze sinen bruste-
0,178 er shuf ieme wol nach geluste-
0,179 Einen frauwelichen lib
0,180 daz sie were sin elich wib
0,181 Daz sie weren beide alein
0,182 zwene corpere an ien zwein
0,183 Doch zwei an eime libe
0,184 daz ganze druwe blibe
0,185 Zwein gemecheden vmm' me

0,186 da gab ien got alsolich e
0,187 Nuo was d' wunnen garte
0,188 geplanzet also zarte
0,189 Fuon aller hande zuochte
0,190 fuon baumen . fun d' fruochte
0,191 Daz menshe nutzen suolte
0,192 fuon welchme daz iz wuolte
0,193 ane ein' lei da hatte got
0,194 vf gesetzet sin gebot
0,195 W' sich vnd'wuonde
0,196 d' soliche hochfart fuonde
0,197 ad' sich fergezze
0,198 daz er daz obez ezze
0,199 D' sturbe endeliche dot
0,200 vn- muste liden vmm' not
0,201 W' auch daz behielde
0,202 daz er vmm' wilde
0,203 aller creature
0,204 dar nach hette er die sture
0,205 Wa-ne irgingen sine dage
0,206 hie vf ertrich ane clage
0,207 Daz er dan daz riche
0,208 besitze wirdecliche
0,209 Mit aller hymelishen shar
0,210 d' dinge na- der dufel war
0,211 D' vngedruwe slange
0,212 d' da uor unlange
0,213 Von danne was verstozen
0,214 mit sinen ualgenozen
0,215 Deme was selekeit gegeben
0,216 vreude vn- eweclichiz leben
0,217 In deme hymeltrone
0,218 saz er mit wurde shone
0,219 Got hatte groze shonheit
0,220 an den engil her geleit
0,221 Er was d' engel hirste
0,222 an wirdekeide der irste
0,223 D' shoniste was er auch erka-t
0,224 des was er lucifer genant
0,225 als ein lithdragere
0,226 fuond er d' shoniste were
0,227 Sin shonide gab ieme vb'muot
0,228 als iz noch den luden duot
0,229 Gein sime shepph' satze er sich
0,230 er seite er sulte ieme wese- glich
0,231 Rete als her esayas
0,232 hie vor in syner scrifte las
0,233 her iach "mac ich den selbe- grat

0,234 biesitzin den mi- shepper hat
0,235 Gesitzin want ich harte wol
0,236 ieme an shonheit glichin sol”
0,237 Die vppecliche hofart
0,238 die shuf daz er ferstozen wart
0,239 D’ wirdekeit die er besaz
0,240 da von er eweclichen haz
0,241 Noch hute zuo den luten hat
0,242 des fant d’ buose disen rat
0,243 Vnt den vngedruwen list
0,244 er sprach “sint diz also dan ist
0,245 Sint d’ menshe diesen lon
0,246 besetzin sol vnt diesen thron
0,247 Da von ich bin veriaget
0,248 vnt ieme ist doch gesaget
0,249 W’ sich des fermezze
0,250 der daz obez eze
0,251 D’ sturbe endeliche dot
0,252 vn- muoze haben vmm’ not”
0,253 So suolde er daz fil wol bewarn
0,254 daz kein menshe dorste farn
0,255 hien wid’ an daz riche
0,256 da von er shemeliche
0,257 Da vor fertrieben were
0,258 iz were iem vmm’ swere
0,259 Sult des hymeltrones
0,260 des wirdeclichen lones
0,261 Da von er was fershalden
0,262 vmm’ ieman walden
0,263 Vn- hette is ewecliche ser
0,264 d’ bosen funde fant er mer
0,265 her dathe i- sinen sinnen
0,266 “wie maht du nu beginne-
0,267 D’ rede daz sie fuor sich ge
0,268 duo sultes lihte kuomen e
0,269 Zuo euen durch ir lihtekeit
0,270 sie w’ dir villihte e gereit
0,271 Dan adam d’ ein man ist”
0,272 diz waz ein vngedruwer list
0,273 hiene fuor er alzuohant
0,274 da er vrauwe- euen vant
0,275 Er sprach “ey eue hore
0,276 mich dunket yr sit dore
0,277 Daz ir diz obez lazet stan
0,278 da von ir wisheit moget han
0,279 aller hohen dinge”
0,1038 [...] [...] der gotheide widershin
0,1039 Nach hoher wisheit vz erwelt

0,1040 die niema- mizzet ioch gezelt
0,1041 Ioch gewiegen mach kein man
0,1042 d' dufe nieman vinden kan
0,1043 Wanne sie sich ferre breidet
0,1044 vn- sich mit hohe cleidet
0,1045 Mit lenge vn- auch mit wide
0,1046 so daz sie gar fermide
0,1047 Ende vnde aneginne
0,1048 daz keines herzen sinne
0,1049 Sie mit nihte ergrifen
0,1050 wen daz sie moge entslifen
0,1051 Vn- auch ferre entrinnen
0,1052 vz allen hohen sinnen
0,1053 Die vrtel hatte beide geben
0,1054 vmm en dot vn- vmme z leben
0,1055 Wie d' menshe muste sterben
0,1056 vn- leben mohte erwerben
0,1057 an godes barmeh'zekeit
0,1058 nach des sones wisheit
0,1059 Do daz gerehtekeit gesach
0,1060 daz ien allen rehte geshach
0,1061 Nach rehte wirdecliche
0,1062 sie wurden vroudenriche
0,1063 als d' kunig dauid saget
0,1064 in deme saltere vnw'zaget
0,1065 Da er alsus inne las
0,1066 "missecordia et veritas"
0,1067 Frauwe barmeh'zekeit
0,1068 vn- auch ir swester warheit
0,1069 Gegin einander gingen
0,1070 mit grozer vroide enphingin
0,1071 Sie sich an den stunden
0,1072 nit lager fristen kunden
0,1073 Wene mit guoten sidden
0,1074 kuste ir swester vrieden
0,1075 Frauwe du gerehtekeit
0,1076 mit zuhten ware- sie gemeit
0,1077 Vn- auch duogentliche vro
0,1078 ergangen was ir criegen do
0,1079 auch hup sich ein vroide- shal
0,1080 von den h'ren voberal
0,1081 For des fursten throne
0,1082 in suozeme sanges done
0,1083 Sie lobeten vnde sungen
0,1084 ir harphen suoze erclungen
0,1085 Cynbeln vn- seiten spil
0,1086 was da wunderlichen vil
0,1087 Vn- vzerwelt' orgeln sang

0,1088 sie seiten ewecliche dang
0,1089 Gode vn- siner wisheit
0,1090 in ir sanges suozekeit
0,1091 ane zal vn- ane maz
0,1092 eweclich an vnd'laz
0,1093 Sie sungen alle glich alsus
0,1094 "sanctus deus dominus
0,1095 herre kunig heilig got
0,1096 deus sanctus sabaot
0,1097 Duogent gnade vn- ere
0,1098 solle wir vmmer mere
0,1099 Diner wirdekeide sagen
0,1100 sit duo daz me-she nit ferzagen
0,1101 an diner mildekeide en last
0,1102 sit duo iz enphangen hast
0,1103 Zuo gnaden nach dem ualle
0,1104 des lobe wir dir alle
0,1105 als ein hymelichen voget
0,1106 d' sine gnade nit ferzoget
0,1107 keinen man d' ir begert
0,1108 wene daz ma- shiere wirt gewert
0,1109 Wes man zuo dir gesinnet
0,1110 w' dich von h'zen minnet
0,1111 Dem wirt eweclicher lon
0,1112 din clarheit vn- din hoher thorn
0,1113 Vnde din eweg gotteheit
0,1114 sint ieme ewecliche bereit
0,1115 Daz er die vmmer shauwe- sal
0,1116 ane maze vnde ane zal
0,1117 Ane zal vn- ane maz
0,1118 eweclich ane vnderlaz
0,1119 Stedeclich ane ende
0,1120 ane alle missewende
0,1121 Mit vroiden sunder leide
0,1122 in steter wirdekeide"
0,1123 Des fursten lob alsus ershin
0,1124 sie hullen alle glich in ein
0,1125 an des sanges done
0,1126 sie gingen for ieme shone
0,1127 hien vn- auch her wieder
0,1128 sie vielen alle nieder
0,1129 an ir starke uenie
0,1130 die hymelische menie
0,1131 Sungen alle glich also
0,1132 "virtus honor domino
0,1133 Duogent vn- wirdekeit
0,1134 ewecliche ane vndersheit
0,1135 Sage wir alle goide

0,1136 deme hymelishen voide
0,1137 D' vnser ist gewalteg
0,1138 einlich vnt driwalteg
0,1139 Drilich vn- auch einvalt
0,1140 ane maz vnde vngezalt
0,1141 Ist din grundeloser rat
0,1142 d' hie ioch dort kein ende hat"
0,1143 her nach etwie lange was
0,1144 als ich in den buchen las
0,1145 Da iz den h'ren duhte zit
0,1146 an deme alle duogent lit
0,1147 Boten sante er in die lant
0,1148 vn- hiez deme volke duon bekant
0,1149 huffenliche mere
0,1150 daz ein losere
0,1151 Shere kuomen sulte
0,1152 d' vns erlosen wulte
0,1153 Von der hellen twange
0,1154 den vns d' leide slange
0,1155 Shuof mit vngedruwe list
0,1156 als uch hie vor gesaget ist
0,1157 ppheten vnde wissagen
0,1158 enstunden in den selben dagen
0,1159 Einer for d' ander nach
0,1160 ien was allen gliche gach
0,1161 Zuo predegene vn- zuo sagene
0,1162 vn- gottes wort zu dragene
0,1163 Vberal in die werlit wit
0,1164 her salamon vnd dauit
0,1165 Moyses . vnt danyel
0,1166 yonas . vnt ezechiel
0,1167 Ozee . jheremias
0,1168 sybilla malachyas
0,1169 Ysayas . vnt abacuoc
0,1170 vnt der wissagere gnuoc
0,1171 Ioel . vnt balaam
0,1172 iob . jacob . ysaac . abraham
0,1173 Diesen herren lobelich
0,1174 vnd auch d' heidene etslich
0,1175 Quam hymelische bodeshaft
0,1176 von des heiligen gestes craft
0,1177 Daz sie vor wol wisten
0,1178 wie vns got iesum cristen
0,1179 Daz vzerwelte hymelkint
0,1180 vns allen die bevange- sint
0,1181 Mit d' sunden voberlast
0,1182 senden wulte als einen gast
0,1183 D' von gote queme

0,1184 vn- vns zuo sunne neme
0,1185 Den vater vzer ahte
0,1186 wie er diz follebrahte
0,1187 Daz hant die herren vor gesaget
0,1188 vn- waz ir etteslich ferdaget
0,1189 Daz hat d' ander vz geleit
0,1190 sus hant sie druwelich geseit
0,1191 her abraham der irste
0,1192 der patriarchen hirste
0,1193 Der waz von gode erluhtet
0,1194 von hymeldauwe erfuhret
0,1195 Fuon geistes fuor enzundet
0,1196 so daz ieme wart gekundet
0,1197 Godes driualdekeit
0,1198 vn- d' psonen vndersheit
0,1199 an dem berge manbre
0,1200 kante er nach godelich' e
0,1201 Den sun vn- auch den vadir
0,1202 den heiligen geist ir gadder
0,1203 die dri wie sie gescheiden sint
0,1204 an der personen underbint
0,1205 und sint doch alle dri allein
0,1206 sus drilich ime got erschein
0,1215 Sie kunden godis willen duon
0,1216 nuo wart geboren ien ein suon
0,1217 D' was geheizen ysaag
0,1218 dar nach vber manige- dag
0,1219 So d' zuo sinen iaren quuam
0,1220 godis willen er vernam
0,1221 Wie got wlde vf erden
0,1222 geboren menshe werden
0,1223 Des sprach er zuo der stunde
0,1224 same vz des vater munde
0,1225 Gar wirdeclichen shone
0,1226 von des sons persone
0,1227 Same ieme gab d' heilegeist
0,1228 wizen vnde volleist
0,1229 Von deme die wisheit alle get
0,1230 er sprach als hie geshriben stet
0,1231 "Seht a welch ein edel smag
0,1232 von mime sone riechen mag
0,1233 Same eins follen ackers ruch
0,1234 d' saelden hat dekeinen bruch
0,1235 Deme got gegeben hat den segen
0,1236 vnt den hymelishen regen"
0,1237 Fun criste sprach er solich lob
0,1238 nu was sin son her jacob
0,1239 D' dritte patriarcha

0,1240 des heiligen geistes arche
0,1241 godes gnaden was er vol
0,1247 er sprach “daz riche nummer me
0,1248 wirt genomen in der juden e
0,1249 von dem kunne daz iudas birt
0,1250 und ein leider ouch en wirt
0,1251 von siner hoffē nummer genomen
0,1252 der herre si von erste kumen
0,1253 Der vns w’den sal gesant
0,1254 er ist des beiden alle lant
0,1255 Vnt daz folg auch vberal
0,1256 d’ here den man senden sal
0,1257 Des augen sollent lut’ sin
0,1258 ferre clarer dan kein win
0,1259 Sine zene werdent zart
0,1260 wizzer vil dan milch ie wart”
0,1261 her moyses h’ nach entstunt
0,1262 d’ vil gedruwe godes fruont
0,1263 D’ mit gedruwekeit behilt
0,1264 daz er des uolkes alles wilt
0,1265 Mit gerihte vnde mit der ler
0,1266 alse ein herzoge her
0,1267 daz er furte in siner hant
0,1268 mit gode von Egiptenlant
0,1269 von Pharaons getwange
0,1270 den sie hatten lange
0,1271 mit dienste vil gedragen
0,1272 biz sie grieden klagen
0,1273 gode ir angest unde not
0,1274 biz got Moysi gebot
0,1275 daz er daz israhelsche her
0,1276 furte durch daz rode mer
0,1277 von Pharaons gebodde
0,1278 seht der rief hin zu gode
0,1279 Zu dem uater wirdeclich
0,1280 er sprach “ei here ich bieten dich
0,1281 Sende den duo senden salt
0,1282 sich vnser angest manigvalt”
0,1283 Er sprach auch zuo dem volke me
0,1284 da er ien vberlas die e
0,1285 “Israhel hore min gebot
0,1286 vz uweren brud’en wil vch got
0,1287 Wecken einen wissagen
0,1288 welich sele in ieren dagen
0,1289 Den ppheten nit fernimet
0,1290 ioch verhoret als ir gezimet
0,1291 Die wirt fun sines uolkes shar
0,1292 ferzalt vn- auch geuerret gar”

0,1293 hie moge wir alle merke- bi
0,1294 wie vnser here moysi
0,1295 Vnt diesen heren det bekant
0,1296 wie cristus vnser heilant
0,1297 kumen wolte d' werde gast
0,1298 d' wunnenb'e sterren glast
0,1299 D' gibet eweclichen shin
0,1300 kein finsternisse mag gesin
0,1301 Wa sin liht ie hene bequam
0,1762 von gode hatte sie die kraft
0,1763 daz sie so wol gekundet hat
0,1764 Den hemelichen godes rat
0,1765 als iemam in d' iuoden art
0,1766 sie hat lutzet it gespart
0,1767 Waz wnderes got hat vf geleit
0,1768 sie in habe iz allez for geseit
0,1769 Die ding sie kunftecliche sach
0,1770 in ir shrifte die maget sprach
0,1771 "Iz kuomit ein kunig fon hymel ho
0,1772 d' werlde er kunfeg ist also
0,1773 hie bi vns an der erden
0,1774 geinwrtec sal er werden
0,1775 Er sal an d' mensheit leben
0,1776 vn- sal d' werlde urteil geben
0,1777 So er dan vf ertrich
0,1778 dirre erbeite niedet sich
0,1779 Verwerfen sollent gar die ma-
0,1780 ir shatz ir appetgode dan
0,1781 So suchet er dan die hellen
0,1782 der porten sal er uellen
0,1783 Cunftec ist d' erden sweiz
0,1784 gerihtes zeichen . d' sterren creiz
0,1785 Rehte sal zuo male vergan
0,1786 die sunne sol ir shin ferlan
0,1787 Iz wirt d' hymel auch v'want
0,1788 dez manen sihn ferget zuohant
0,1789 So werdent erhoht alle dal
0,1790 die berge er alle nideren sal
0,1801 Ouch kumet lib und sele dar
0,1802 die sal er alle urteilen gar
0,1803 So sehent alle lude got
0,1804 buse . vn reht . den hohen voit
0,1805 Thus[.]ere[.] . heilic vn- guot
0,1806 ferborgene ding er vffen duot
0,1807 hie mag sprechen ied' man
0,1808 waz heimelicheit er ie gewan
0,1809 Er vffenet alle herzen da
0,1810 der heiligen vleishe doch iesa

0,1811 Vrilih liht wirt ane geleet
0,1812 die suond' ewig flamme neget
0,1813 So wirt in allen da zuo stunt
0,1814 shrien zanebizen kunt
0,1815 Auch hymel vn- erde wirt v'bra-t
0,1816 mer beche . brune- . so zuhant
0,1817 drocken werdent alle
0,1818 daz ertrich albetalle
0,1819 her nach zuo brachen sol v'gan
0,1820 allez ding sal ende han
0,1821 Ertrihte also erwegen sol
0,1822 daz ma- die hellen shauwen wol
0,1823 Reinen sal ein sweuelbach
0,1824 mit fure auch i- daz vngemach"
0,1825 Nu seht wie garwe hat gesaget
0,1826 diese heidenise maget
0,1827 Von unsers herren kunfte
0,1828 von siner sigenunfte
0,1829 wie daz er die hellen brach
0,1830 vorsihetlich die maget sach
0,1831 daz leste bibende urteil
0,1832 da allen seligen luden heil
0,1833 und den argen pine entstat
0,1837 wer die houbitbuchstabe
0,1838 von oben an biz niden abe
0,1839 ordenlichen lesen kan
0,1840 da shauwet vnde siehet man
0,1841 In kriesen in latinen
0,1842 gar ordenliche ershinen
0,1843 Diese namen grundelos
0,1844 ihesus . cristus . ayos
0,1845 Theu . vnde dar nach sother
0,1846 diz pruue ein man diz vindet er
0,1847 Behalten han wir noch hie vor
0,1848 wie her nabuchotonosor
0,1849 ouch godes son erkante
0,1850 vn- in mit name- nante
0,1851 Vn- anegesihtecliche sach
0,1852 daz iedoch lange uor geschach
0,1853 E daz d' loibelere
0,1854 cristus geboren were
0,1863 ouch hiez er schachbanden
0,1864 an fuzen und an handen
0,1865 dru kinder um gerehtekeit
0,1866 wand ien was vndugent leit
0,1867 Das was ananvas
0,1868 myzahel azaryas
0,1869 Die warf man in den offen da

0,1870 d' kunig selbe quam iesa
0,1871 Bi daz fur durch wunder
0,1872 alda sach er besunder
0,1873 Fier iungelinge sunder bant
0,1874 in deme offene vnferbrant
0,1875 In wunneclicher shauwe
0,1876 sam in eines meien dauwe
0,1877 Sinen knehten sprach er zu
0,1878 "ei h're waz gebudes duo"
0,1879 Riefen ie die knehte
0,1880 er sprach "nu saget rehte
0,1881 Ioch hieze wir gebunden
0,1882 in diesen selben stunden
0,1883 Dru kind'e werfen in die gluot"
0,1884 "ia h're kunig hochgemut
0,1885 Diz ist alliz doch geshehen"
0,1886 da sprach d' kunec "Ia ich sehen
0,1887 Fier iungelinge sunder bant
0,1888 in deme ovne unverbrant
0,1889 Wandeleren her und dar
0,1890 seht d' ding nam ich war
0,1891 Vnd des vierden anegesiht
0,1892 ist gestellet anders niht
0,1893 wan godes sun von himmelrich
0,1894 deme ist er ublich gelich"
0,2273 Sus han wir fon den beiden
0,2274 fon iuden vn- fon heiden
0,2275 Also rehte wol fernomen
0,2276 wie vnser here wolte komen
0,2277 h' nider vnser heilant
0,2278 d' vns zuo droste wart gesant
0,2279 Biz diese h'ren alle glich
0,2280 ia ir ieglich sunderlich
0,2281 Glich an eime sinne
0,2282 vn- vnglich an beginne
0,2283 Gerete waz er wiste
0,2284 fon vnseme h'ren criste
0,2285 Als ieme gab der heilegeist
0,2286 konshaf vnde volleist
0,2287 Wie er kuomen sulde
0,2288 vn- vns erlosen wlde
0,2289 Fon d' hellen twange
0,2290 diz werte entruwen lange
0,2291 Fon daz die w'lt ane ging
0,2292 biz cristu- vnse frauwe enphing
0,2293 Lange iar vn- zite vil
0,2294 als ich uch doch bescheiden wil
0,2295 Funf dusent vn- zwei hunderet

0,2296 da fon iedoch gesunderet
0,2297 Was ein einlitzet iar
0,2298 sus seit die shrift . vn- ist al war
0,2299 Nuo ist wol fragebere
0,2300 durch waz so lange were
0,2301 Vnser here vn- vnser drost
0,2302 daz er nit lange . e . hatte erlost
0,2303 Sine frunt vn- sine kint
0,2304 die in d' vinsternisse blint
0,2305 Also lange waren
0,2306 in allen diesen iaren
0,2307 So lange zit so lange dage
0,2308 in so ruwerlicher clage
0,2309 Daz ein finsterliche naht
0,2310 so lange hatte sie bedat
0,2311 Daz sie nie licht gesahen
0,2312 als ie die wisen iahen
0,2313 Eua . noe . abel . adam .
0,2314 Job . Jacob . ysaat . abraham .
0,2315 her dauid . vn- her salomon
0,2316 her moyses . vn- aaron
0,2317 Symeon . esayas .
0,2318 Johannes . zacharias
0,2319 Vn- manig and' heilig man
0,2320 die got zuo allen ziden an
0,2321 Riefen vnde baden
0,2322 vn- gerten dirre gnaden
0,2323 Daz shiere erlihtet wurde
0,2324 ir angest vn- ir burde
0,2325 Ir iamer vn- ir arbeit
0,2326 vnt daz finsterliche leit
0,2327 Ich mein des kerkers vngemach
0,2328 nuo hort durch was die frist geshach
0,2329 Iz waz allez vmme daz
0,2330 daz die lude desdie baz
0,2331 Zuo gode setzen ir beger
0,2332 wande is ist wizze-clich . daz wer
0,2333 Ein ding mit lihtekeide hat
0,2334 daz er daz nit gar shone enphat
0,2335 Mit so ganzer wirdekeit
0,2336 als ob ein man mit arbeit
0,2337 Daz ding erwne- muste han
0,2338 durch daz so wart die vrist gedan
0,2339 Iz liebet daz da wirdet sur
0,2340 waz vns durch wazzer vn- durch fuor
0,2341 Mit arbeite dribet
0,2342 vn- was vns vber blibet
0,2343 Ober her vnde vber hagel

0,2344 daz ist werder an der zagel
0,2345 Dan iz for allez were
0,2346 sus ist wolueile vnmere
0,2347 die ppheten alle gar
0,2348 vn- aller guoden lude shar
0,2349 Mit Flize hatten vil begert
0,2350 das sie wurden des gewert
0,2351 Sie vleheten vn- baden
0,2352 glich alle dirre gnaden
0,2353 Jegelich' sund' gerte
0,2354 daz sie got des gewerte
0,2355 Daz cristus vnser heilant
0,2356 ien an der mensheit wurde erkant
0,2357 Vnt daz er senden wulde
0,2358 den er doch senden sulde
0,2359 Vnd daz gesche in ieren dagen
0,2360 sus hore ich singen vn- sagen
0,2361 Sie gerten vnsers heren
0,2362 den sit nach eime sterren
0,2363 Die heren kunige alle dri
0,2364 fon Saba . thars . vn- arabi
0,2365 Mit p-sante suchten
0,2366 vn- ien zuostunt geruhten
0,2367 Beden an als einen got
0,2368 d' were vber alle heren fod
0,2368a Daz was crist messyas
0,2368b fon deme h' esayas
0,2368c Also manig heileg wort
0,2368d hat gesprochen hie vnt dort
0,2369 Nuo mohte ein man wol frage- me
0,2370 sit vnser here dan nit e
0,2371 kumen wolde noch en quam
0,2372 war vmme er dan nit Me en nam
0,2373 D' iare vn- auch der friske
0,2374 wer diz gerne wiste
0,2375 Den solle wir bescheiden
0,2376 vn- an die rihte leiden
0,2377 Diz waz aber vmme daz
0,2378 daz d' vngedruwe haz
0,2379 Den d' dufel zuo vns hat
0,2380 iht aber funde busen rat
0,2381 Da mite er vns ferrete
0,2382 vn- vns die gnade firrete
0,2383 Obe vnser here ihesus crist
0,2384 genumen hette langer vrist
0,2385 Daz wir von der vberdroz
0,2386 it wurden hoffenu-ge bloz
0,2387 So were wir aber dan ferlorn

0,2388 w' got noch eines durch vns geboren
0,2389 Daz sehe wir wol shinen
0,2390 an iuden sarrazinen
0,2391 Funde sie nit hoffenu-ge phlegen
0,2392 des hant sie sich d' helle erwegen
0,2393 Ia hoffenu-ge an ihesum crist
0,2394 an deme daz ware hoffen ist
0,2395 Noch ist d' sache harte uil
0,2396 d' ich doch nuo geswigen wil
0,2397 vn- aber grifen hie zuo stede
0,2398 wied' an die irsten rede
0,2399 Zu iherusalem ein prist' was
0,2400 geheizen zacharias
0,2401 Ein bishof nach d' alten e
0,2402 d' mohte nuozeg oder me
0,2403 Iar fon libes alter han
0,2404 gar altlich was d' man gedan
0,2405 Der selbe man hatte ein wip
0,2406 die hatte auch einen alten lip
0,2407 ane alle iungentliche craft
0,2408 sie was auch ie vmberhaft
0,2409 In allen ieren iaren
0,2410 sie zwei nie kint gebaren
0,2411 Die vrauwe heiz elyzabeth
0,2412 als in d' buch geshrieben stet
0,2413 So dirre bishof sin gebet
0,2414 nach d' e . sin ammet det
0,2415 In deme tempel als er plac
0,2416 wande iz was gar ein hoh' dac
0,2417 Ein rauchfaz hatte er in d' hant
0,2418 da wart von gode aldar gesant
0,2419 Ein engel ane vare
0,2420 er stunt bi deme altare
0,2421 al zuo der rehter hende
0,2422 des selben alters ende
0,2423 Er sprach mit fruntlich' gir
0,2424 "frunt zacharia lose mir
0,2425 Nim hine i- dinen alten dagen
0,2426 ein kint daz sal din wirten dragen
0,2427 In ir alten libes shoz
0,2428 daz kindelin daz sal werden groz
0,2429 Wande mit ieme ist godis hant
0,2430 war er kumit in die lant
0,2431 Fil lude sollent sich'lich
0,2432 an deme dage vrauwen sich
0,2433 Wande elizabeth gebirt
0,2434 vnt daz kint geboren wirt
0,2435 Du salt auch sich' wesen des

0,2436 sin name wirt iohannes
0,2437 Godes deufer vn- sin kneth
0,2438 sine wege sal er machen reht
0,2439 Vb'al in d' wustenheit
0,2440 hie sal er wesen zuo gereit"
0,2441 So zacharias da fernam
0,2442 de- boden d' fon gode quam
0,2443 Die bodeshaft die selben rede
0,2444 die d' engel da zu stede
0,2445 Fon hymelriche brahte
0,2446 in sinen muot er dahte
0,2447 "Ei vater heileclicher got
0,2448 ist iz ernist ader spot
0,2449 Man saget mir von kinde
0,2450 daz queme vns fon dem winde
0,2451 Ich bin doch gar ein alter man
0,2452 wie sult ich kint gezelen dan
0,2453 Gar alt ist auch elyzabeth
0,2454 daz alter ir so nahe get
0,2455 Daz sie kinden niht en mag
0,2456 hie vor sie kinden nit en phlag
0,2457 In ir iungen iaren
0,2458 wie solt sie nuo gebaren
0,2459 Sulte sie kint gewinnen
0,2460 ich en werd es anders innen
0,2461 So han ich glauben nit da zuo
0,2462 sage engel her waz wirbes du"
0,2463 D' engel da mit zorne sprach
0,2464 da er den vngelauben sach
0,2465 Den zacharias stalte
0,2466 vn- ien der rede ualte
0,2467 Die er ime so zuostunt
0,2468 det fon hymelriche kunt
0,2469 "Sit duo nuo an dirre vrist
0,2470 dirre dinge vngleubig bist
0,2471 So salt du lon da wied' han
0,2472 den du lieber mohtes lan
0,2473 Du salt swige- furbaz me
0,2474 gesprochen salt du numm' e
0,2475 Biz elyzabeht gebirt
0,2476 vnt daz kint geboren wirt
0,2477 so maht du sprechen aber sit"
0,2478 nuo was iz iezuo an d' zit
0,2479 Daz d' wirdecliche bode
0,2480 fur hien wied' vf zuo gode
0,2481 Vnlange zit dar nach erging
0,2482 zacharias vmme ving
0,2483 Sine wirten nach der e

0,2484 was sulde langer rede me
0,2485 Einen sun die vrouwe druog
0,2486 hie miede si d' rede gnuog
0,2487 Eya minnenclicher got
0,2488 durch dine gnade vnt di- gebot
0,2489 Vnt durch die claren suzekeit
0,2490 die du h're an vndersheit
0,2491 an dir ewecliche weist
0,2492 So gib mir dine uolleist .
0,2493 Dines heiligen geistes rat
0,2494 d' manig h'ze erluhtet hat
0,2495 Daz er mir mine sinne
0,2496 mit siner zarten minne
0,2497 Min h'ze vn- min gemuote
0,2498 mit warer mi-nen gluote
0,2499 So heilecliche enzunde
0,2500 daz ich von aller sunde
0,2501 Geweshen werde vn- auch getwagen
0,2502 daz ich w'decliche sagen
0,2503 Fon d' zarten rosen moge
0,2504 daz iz ir zuo lobe doge
0,2505 D' lob vb' allen dingen swebet
0,2506 die mit dir ewecliche lebet
0,2507 Same ein here kunigin
0,2508 sus duo mir dine gnade shin
0,2509 Alleine ich doch wol wizze
0,2510 waz sich ieman geulize
0,2511 Daz er sie gelobete wol
0,2512 ir lob wart doch nie lobes fol
0,2513 Want waz nuo ist vn- auch ie was
0,2514 laub . crudere . blume- . vn- gras
0,2515 Vn- vmm' me sal werden
0,2516 creature vf erden
0,2517 kunde daz allez sprechen
0,2518 vnde lob von lobe brechen
0,2519 Iz en kuont deme niht doch gliche-
0,2520 iz muoste ir lobe entwichen
0,2521 Doch meret iz des lobes shar
0,2522 nuo nemen alle lute war
0,2523 w' diese vrouwe moge sin
0,2524 an d' diz hohe lob wil lin
0,2525 Nach so werden prise
0,2526 daz meist' nie so wise
0,2527 Wurden . die ergrunden
0,2528 ir lob nach wurde kunden
0,2529 Iz ist der engele vraue
0,2530 vn- ist ein rose in dauwe
0,2531 Die bluwet shone in aller zit

0,2532 an ir fil selekeide lit
0,2533 Sie ist all' gnade- ein uollez faz
0,2534 Nuo hilf auch duo mir frauwe baz
0,2535 Me sprechen dan ich kunne
0,2536 duo bis der hymele wnne
0,2537 Duo lylia fiol rosa
0,2538 du zarte zidelosa
0,2539 Duo porte des paradyses
0,2540 du stam des mandelrisis
0,2541 Daz in den tempel wart gestaht
0,2542 vn- brahte fruht in einer naht
0,2543 Duo dube wandels ane
0,2544 du luthes als der mane
0,2545 In diz enlende uerre
0,2546 du liechter morgensterre
0,2547 Duo shines same die suonne duot
0,2548 den armen gibes duo hohen muot
0,2549 Den sunderin endelichen drost
0,2550 d' has duo fil von pine erlost
0,2551 Duo durteldube duo adilspar
0,2552 duo fenix vn- duo adelare
0,2553 Duo finiz golt duo gimme [...] [...]
0,5364 die juden aber rieden
0,5365 Man sult des grabes neme- war
0,5366 dar wart gesant ein ritte shar
0,5367 Daz sie wol gaume neme
0,5368 daz ieman dar bequeme
0,5369 D' den corper wolte stelen
0,5370 die iu-geren mothe- ien v'heln
0,5371 Vnde sprachen sund' wan
0,5372 "vnser h're ist uf gestan
0,5373 Von deme dode sicherlich"
0,5374 So hube ein groz' zuifel sich
0,5375 Noch waz dem dufel vnerkant .
0,5376 daz iz waz vnser heilant
0,5377 Crist godes suon der diese not
0,5378 diese pine vn- diese dot
0,5379 also durch vns erliden hat
0,5380 der fur sine hantgedat
0,5381 hat gesezzen uf gegeben
0,5382 sin gebenediet leben
0,5383 Daz er vns vroyde kaufte
0,5384 vns von sunden daufte
0,5385 Der milde und ouch der gude
0,5386 in sime reinen blude
0,5387 Vn- vns d' hellen mahte vri
0,5388 daz vns v-mer vffen si
0,5389 Des hymelriches clarheit

0,5390 in eweclicher stedekeit
0,5391 Er wande daz er were
0,5392 ein ander zauberere
0,5393 Des quam er in die hellen
0,5394 er sprach "ia ir gesellen
0,5395 Ir hat villihte wol v'numen
0,5396 daz vf ertrich waz bekuomen
0,5397 Ein ma- der wund' hat gedan
0,5398 wunders hat er vil began
0,5399 Er mahte lame lude gen
0,5400 doden det er uf sten
0,5401 Den stu-me- det er uf den mu-t
0,5402 er mahte der siche- vil gesunt
0,5403 Vn- and' zeichen det er vil
0,5404 nu horet waz ich vch sagen wil
0,5405 Waz ich han gebruowen nuo
0,5406 d' man v'raden ist iezuo
0,5407 Geslagen vnde gefangen
0,5408 vn- an ein holz gehangen
0,5409 Da an er ist gestorben
0,5410 seht daz han ich erworben
0,5411 Sagit quam er noch id her"
0,5412 die dufele riefen . "wer a . wer
0,5413 Ia w' mac der man gesin
0,5414 daz er hie nit wirdit shin
0,5415 Daz er nit her bekumen ist
0,5416 wer iz og nit der h're crist
0,5417 Von deme die wissagere
0,5418 rufen diese mere
0,5419 Daz er vns sulte storen hie"
0,5420 diz shruwen vn riefen sie
0,5421 Sie iahen auch "der selbe rat
0,5422 zu gute ich wene vns nit ergat"
0,5423 Nuo horit die rede forbaz me
0,5424 d' ich doch han begunnen e
0,5425 Waz drostes in die hellen
0,5426 adam vn- sinen gesellen
0,5427 Quam sa wirdecliche
0,5428 mit diseme Fursten riche
0,5429 Ia in d' zit quam iz also
0,5430 daz vnser h're fur iedo
0,5431 Zu d' hellen durch gewin
0,5432 er sprach "ir fursten lazit in
0,5433 Balde dut uf uwer dor"
0,5434 die dufele riefen "wer da vor"
0,5435 Da sprach der heilant lobelich
0,5436 "iz ist ein hoher furste rich
0,5437 Ein kunig rehte lobesam"

0,5438 die dufele alle wund' nam
0,5439 W' dirre wnderere
0,5440 d' eren kunig were
0,5441 Si riefen alle "iar·a . ia
0,5442 w' ist der wer sturmit da"
0,5443 Dar vn- dar er aber stiez
0,5444 in er balde lazen hiez
0,5445 Einen hohen kunig her
0,5446 die dufele wnde'rte aber mer
0,5447 W' der gewaltigere
0,5448 d' eren kunig were
0,5449 Mit ein si alle riefen sa
0,5450 "iara ia w' sturmit da
0,5451 Wer ist d' kunig riche
0,5452 D' sa gewaldecliche
0,5453 Sturmet vns' porte- hie"
0,5454 diz rifen vn- shruwen sie
0,5455 "Ia w' mag d' kunig wesen"
0,5456 hie vo- her dauid hat gelesen
0,5457 Vor hine harte lange
0,5458 in sime saltersange
0,5459 "Tollite portas principes"
0,5460 sus hat er vns bescheiden des
0,5461 "God die porte- nider brach"
0,5462 sa daz d' gude adam gesach
0,5463 Er sprach "iz kumit der heila-t
0,5464 wande ich sehen diese hant
0,5465 Die mich vn- alle ding geshuf"
0,5466 alda hub sich ein vreden ruf
0,5467 Vn- ein wuneclich' braht
0,5468 wart vo- den selen da gemaht
0,5469 Da sie den heilant sahen an
0,5470 iegelich' frauwen sich began
0,5471 Sin pleger yoseph sprach iesa
0,5472 "d' eren kunig kumit da
0,5473 Min drost . mi- god . min heilant
0,5474 deme ich dicke mine hant
0,5475 Reichete in siner kintheit
0,5476 vn- ime dinstes waz gereit
0,5477 Mit also ganze- druwen
0,5478 er wil vns heil ernuowen
0,5479 Der selbe furste riche
0,5480 dort kuomit wunecliche"
0,5481 her symeon der gude
0,5482 sprach auch mit vrowe- mude
0,5483 "Ich sehen den kunig lobesam
0,5484 den ich in mine hende nam
0,5485 Vn- in uf den alter druc

0,5486 wol v-s wir han nu vrede- gnug
0,5487 hie kumit vnser aller drost
0,5488 er hat mit druwe- vns erlost”
0,5489 her dauid in den vreden sang
0,5490 sin harpe suze da erclang
0,5491 Er sprach “diz ist der here
0,5492 der ware sunnensterre
0,5493 Der sine- heimelichen rat
0,5494 da dicke mir v’kundit hat”
0,5495 Iohannes auch baptiste
0,5496 sprach in der selben vriste
0,5497 “Ich sehen den ich daupte
0,5498 d’ mich sa dure kaufte
0,5499 Mit sime zarten blude
0,5500 er kuomit dort der gude”
0,5501 her Moyses mit vrede- sprach
0,5502 da er der eren kunig sach
0,5503 “Wol mich ich sehen den selbe- god
0,5504 der mir sin e vnd sin gebod
0,5505 Mit sime finger selbe shreip
0,5506 bi dem ich also lange bleib
0,5507 an dem berge syna
0,5508 biz die e geshrieben da
0,5509 Von dem lobelichen wart
0,5510 d’ kumit in wuneclich’ fart”
0,5511 Auch sprach mit druwe- ab’ha-
0,5512 “ich sehen den kunig lobesam
0,5513 Den shepper vn- den h’ren min
0,5514 der mir wirdecliche shin
0,5515 Nach siner gode[.]lichen[.] e
0,5516 wart an dem berge manbre”
0,5517 Noe sprach auch sa zuo stunt
0,5518 “ich sehe den godelichen munt
0,5519 D’ mich die arken machen hiez
0,5520 vn- mich also genesen liez
0,5521 In mildeclicher gude
0,5522 vor der wazzer flude”
0,5523 Waz godes frunt da waren
0,5524 die mohten wol gebaren
0,5525 alle wirdecliche
0,5526 daz sie sa lobeliche
0,5527 D’ eren kunig shauwete
0,5528 vn- mit ime erfrawete
0,5529 Fraude hatten sie mit ein
0,5530 wan in sa wirdecliche ershein
0,5531 D’ eren got der herre
0,5532 der lichten sunnen sterre
0,5533 Mit ganzer clarheide

0,5534 an dirre vinsterkeide
0,5535 Da von er ysaias
0,5536 hie vor in siner shrifte las
0,5537 In sime vroude- sange alsus
0,5538 “geneium vidit populus”
0,5539 also beshreib er disen rat
0,5540 er sprach “diz folg daz lange hat
0,5541 Gewesen in vinsternisse
0,5542 seht daz hat nuo gewisse
0,5543 also clar ein licht ershen
0,5544 daz heil ist in alda geshehen
0,5545 Die in des dodes geinde
0,5546 waren in gemeinde
0,5547 In vinst’keide pinen
0,5548 den hat begunnen shinen
0,5549 In der hellen vffenbar
0,5550 ein licht gar luter vn- clar”
0,5551 Der kunig dauid disen rat
0,5552 gar herlich auch beshriben hat
0,5553 an sime sange in dirre wis
0,5554 “exortum est in tenebris
0,5555 Ein licht gar luter vn- clar
0,5556 hat geshinen vffenbar
0,5557 Den gerehten in der vinst’keit
0,5558 den milden herren godeheit”
0,5559 Von den selen vberal
0,5560 hub sich ein wuneclich’ shal
0,5561 Si sungen vn- waren vro
0,5562 si sungen iedoch alle also
0,5563 “Nu bist du kumen wol gereit
0,5564 des wir in dirre vinst’keit
0,5565 Gebeidet han sa lange vrist
0,5566 da du gewaldeclich’ crist
0,5567 Noch hint in dirre selben naht
0,5568 in diner gotlichen maht
0,5569 Vz diseme kerker lostes
0,5570 vn- vns lieblich drostes
0,5571 Vns hat mit inneclich’ gir
0,5572 erlangit herre vil nach dir
0,5573 Daz du vns in den pinen
0,5574 drostlich woldes shinen
0,5575 Dis hast du h’re nu gedan
0,5576 rehte als wir begeret han
0,5577 Des sin wir worden hie gewar”
0,5578 hin fur die lobeliche shar
0,5579 Mit deme fursten lobesam
0,5580 alsolich ritt’schaft gezam
0,5581 Deme kunige riche

0,5582 er furte sie lobeliche
0,5583 Zu dem paradyse
0,5584 alda liz sie der wise
0,5585 Da bliben sie die virzig dage
0,5586 sunder we vnde ane clage
0,5587 Da nu die ander naht erging
0,5588 e daz morge-licht enphing
0,5589 Vn- der sabat waz vergan
0,5590 von hymel quam da sund' wan
0,5591 Ein sa grozer donreslag
0,5592 daz die ritt'shaft ersharg
0,5593 Den daz grab beuolhen was
0,5594 si wrde- bleich sam als eyn was
0,5595 Si vielen nider von der not
0,5596 glich' wis sie weren dot
0,5597 Die erde biben auch began
0,5598 ihesus der godeliche man
0,5599 Ia der ware heilant
0,5600 vz deme grabe stund zuhant
0,5601 an deme selben dage fruo
0,5602 v'nemit wnder aber nu
0,5603 Daz ich mit warheit sagen wil
0,5604 d' doden corper hartte vil
0,5605 Erstunden uf mit deme da
0,5606 si gingen in die stat iesa
0,5607 Daz si mohten shauwen
0,5608 ia . meide . manne . frauwen
0,5609 Der lobeliche dauid
0,5610 von der vfferstende zit
0,5611 Vns vzer mazen wol beshiet
0,5612 da er sprach "terra tremuit"
0,5613 also legete er vz den rat
0,5614 "daz ertgeruste erbiebit hat
0,5615 Geruwet hat iz sa zuhant
0,5616 da god der h're heilant
0,5617 Vf in deme gerihte erstund"
0,5618 ia der w'de godis frund
0,5619 In deme salter aber sprach
0,5620 iubilerende vnde iach
0,5621 "Surge mea cythara"
0,5622 nu horit wie man daz v'sta
0,5623 Dif von sinne sharphe
0,5624 iz quit "sta-t uf min harpe
0,5625 Stant uf min psalterium"
0,5626 diz dudit iesum cristum
0,5627 Von des psonen sprach er do
0,5628 "exurgam diluculo
0,5629 Des morgens vru wil ich erstan"

0,5630 nu sult ir horin sunder wan
0,5631 Wie sich doch daz selbe spil
0,5632 vnsem h'ren glichen wil
0,5633 Die harphe vn- daz psalt'ium
0,5634 sint beide vngespannen dum
0,5635 Si sint vngeslagen daub
0,5636 rehte sam ein lindenlaub
0,5637 Daz von dem baume fellit
0,5638 wer sie gespannen stellit
0,5639 Vn- slehit dar vn- aber dar
0,5640 ir suzekeit wirt man gewar
0,5641 Des ordenlichen sanges
0,5642 des suzen seitenclangis
0,5643 In aller wise det alsus
0,5644 vnser h're cristus
0,5645 Ia sa d' here heilant
0,5646 an daz cruce sa zuhant
0,5647 Gezwicket vn- geslagent wart
0,5648 gespanne- vn- sere gespart
0,5649 Geslagen dar vn- aber dar
0,5650 da wirt sa zuhant gewar
0,5651 Der godelichen suzekeit
0,5652 die godis frunden ist bereit
0,5653 Zuhant d' suzen harphen sang
0,5654 hien abe zu der hellen clang
0,5655 Vn- in die w'nd vberal
0,5656 d' harphen suzekeit ershal
0,5657 Also stunt vf der h're fruo
0,5658 bereidet hatten sich iezuo
0,5659 Die marien alle dri
0,5660 magdalena jacobi
0,5661 Vnde die dritte salome
0,5662 die hatten vnser h'ren e
0,5663 lieb an sime lebene
0,5664 sie hatten in vil ebene
0,5665 Auch an sime dode wert
0,5666 si hatten alle dri begert
0,5667 Daz sie wulden salben
0,5668 sine wunden allenthalben
0,5669 Si gingen alle dri hin abe
0,5670 hienewert zu deme grabe
0,5671 Da der heilant waz geleit
0,5672 ir salben hatten sie bereit
0,5673 Si sprachen alle dri zu ein
0,5674 "w' sal vns ruckin diesen stein"
0,5675 So sprach die minnecliche shar
0,5676 nu name- sie endruwen war
0,5677 Daz der stein waz abe gedan

0,5678 vf or gerieden sie do gan
0,5679 Vn- ershraken sere .
0,5680 wande ein engel here
0,5681 In deme selben grabe saz
0,5682 des draden sie uf or baz
0,5683 Da sprach der engel “saget mir
0,5684 ir frauwen dri wen suochet ir
0,5685 Durch was ir sus ershorken sit”
0,5686 die vrouwen sprachen in der zit
0,5687 “Ihesum da von Nazaret
0,5688 nach deme unser suchen get”
0,5689 Daz was der vrouwen widderrede
0,5690 der engel aber sprach zu stede
0,5691 “Ir sullit uwer fohte lan
0,5692 ich sage vch sunder allen wan
0,5693 Ir suchit in v’gebene
0,5694 er ist zu me lebene
0,5695 Von deme dode erstanden
0,5696 nu shauwet her zuo handen
0,5697 Die stat wa r gelegen hat
0,5698 daz ist sin cleit vn- ist sin wat
0,5699 Ir get vn- ilet balde hin
0,5700 zuo sinen iu-geren sagit in
0,5701 Sagit in vnde petro
0,5702 daz sie wirdecliche vro
0,5703 alle nuo mit gode sin
0,5704 erstanden ist der drehtin”
0,5705 Maria magdalena
0,5706 bleib iedoch alleine da
0,5707 Iz hup sich von der reinen
0,5708 ein vruntliches weinen
0,5709 Ir heil ir gotlichen drost
0,5710 der sie von sunden hatte erlost
0,5711 Den hatte si sa rehte wert
0,5712 Daz sie mit druwen hat begert
0,5713 daz ir der h’re sulte
0,5714 Ershinen ob er wlte
0,5715 sie sach bi sich vnv’re
0,5716 Da stund iedoch der herre
0,5717 nahe bi der heilant
0,5718 Ein spaden hatte er an der hant
0,5719 sam ein gertenere
0,5720 Sie en wiste w’ er were
0,5721 er gruzde si . er sprach ir zu
0,5722 “Waz weinis vn- waz suchiz du”
0,5723 “ihesum herre von nazareht
0,5724 An deme min drost min leben stet
0,5725 bis tu sin it worden gewar

0,5726 So wise du mich herre dar
0,5727 sage has tu in uf gehaben
0,5728 Wa du in herre hast begraben
0,5729 ich hette gerne in stunden
0,5730 Gesalbet sine wnden”
0,5731 mit namen er si nante
0,5732 Zuhant er si erkante
0,5733 ein hohe vroude si begoz
0,5734 Da von si dise wort vz goz
0,5735 “gebenediet muost duo sin
0,5736 Min heil . min drost . min drehtin”
0,5737 sie wlt in han gegriffen ane
0,5738 Er sprach “ein lutz el drit hin dane
0,5739 du salt nuo nit ruoren mich”
0,5740 So sprach der heilant lobelich
0,5741 “zu minen iu-geren ile hin
0,5742 Vnd zu petro du sage in
0,5743 daz si zu galile kumen
0,5744 Sage in waz du hast v’numen”
0,5745 Waz sal lange rede me
0,5746 si quamen hin zu galile
0,5747 Da sahen si den heilant
0,5748 da in sich’lich erkant
0,5749 Iedoch alleine Thomas
0,5750 der nu der zwelfer einer was
0,5751 Wulde iedoch gelouben nit
0,5752 biz in der heilant undershit
0,5753 Daz er iz sicher were
0,5754 er sprach “du zwifelere
0,5755 alher in mine wnden grif”
0,5756 alda wart sin gelaube rif
0,5757 Nu wer nit wol da hinde- blibe-
0,5758 ich en hette ein deil beshriben
0,5759 Daz vns beneme disen wan
0,5760 wie god hette so gedan
0,5761 Daz die clare kunegin
0,5762 ein sloz . ein tempel . vn- ey shrin
0,5763 Der hochgelobten godheit
0,5764 ein muder aller suzekeit
0,5765 Noch vngedrostet were
0,5766 doch von der selben swere
0,5767 Die ir zarte sele enphing
0,5768 da ir kint v’sniden hing
0,5769 Gezwickit an des cruces bauom
0,5770 bescheiden wil ich vch den drauom
0,5771 alleine ich iz doch nie gelas
0,5772 daz si daz erste menshe was
0,5773 Die vnses h’ren drost v’nam

0,5774 gar fru ir hohe vrode quam
0,5775 Da von er dauid sprach alsus
0,5776 “ad vesperu- manet fletus
0,5777 Der abent alliz weinen hat
0,5778 vrode an dem morgen fru estat”
0,5779 Alsus was vnser herre
0,5780 zu allir zit vnferre
0,5781 Von sinen frunden hi vn- da
0,5782 itzut hi nuo anderswa
0,5783 Wa er si wiste da bi ein
0,5784 der h're fruntliche in ershein
0,5785 Wa sie waren hi vn- dort
0,5786 zarte lare suze wort
0,5787 Vz sinen mu-de fluzzin
0,5788 die sam ein dau beguzzin
0,5789 Ir h'ze vnde auch ir sinne
0,5790 mit godelicher minne
0,5791 Ir sele kunde er salben
0,5792 er waz allentalben
0,5793 Er drang vn- az als e mit in
0,5794 er fur vnderwilen hin
0,5795 Zu dem paradyse
0,5796 vn- gab auch in die spise
0,5797 Der himelshen suzekeit
0,5798 die sin hatten da gebeit
0,5799 Ia die er vz er helle nam
0,5800 sus h' vn- dar d' heilant quam
0,5801 Des dreib er an die v'zig dage
0,5802 nu losit rehte waz ich vch sage
0,5803 Sa die v'zig dage do
0,5804 ergingen vnser h're ieso
0,5805 Mit sinen iu-geren dranck vn- az
0,5806 bi in er fruntliche saz
0,5807 Er larte vn- sagete in
0,5808 wie er nu sulde varen hin
0,5809 zu deme vater lobelich
0,5810 Er sprach “der vater wirdeclich
0,5811 Sal vch senden sinen geist
0,5812 der sal uwer folleist
0,5813 Zuo wisheit vn- zu gnaden sin
0,5814 er dut uch alle gnade shin
0,5815 Von iherusalem sult ir nit gan
0,5816 da sullit ir die gnade enphan
0,5817 Sa er die hatte uz gelesen
0,5818 da sult ir bi einander wesen”
0,5819 Der lobeliche sa zu stat
0,5820 gein synai dem berge drat
0,5821 Mit ime die iu-geren quamen dar

0,5822 mit einer lobelichen schar
0,5823 als eime h'ren wol gezam
0,5824 daz her er alliz mit im nam
0,5825 Daz der godeliche drost
0,5826 vz der helle hatte erlost
0,5827 Si sungen vn- waren vro
0,5828 si furen hin in iubilo
0,5829 Daz hat er dauid unverdaget
0,5830 er hat iz alliz vor gesaget
0,5831 In sime saltersange alsus
0,5832 sprach er "ascendit dominus"
0,5833 God der kunig riche
0,5834 fur uf gar wirdecliche
0,5835 In vrouden jubilierende
0,5836 herliche bosunirende
0,5837 Als in eins hornis clange
0,5838 den dot er in betwange
0,5839 Furte und band in bereben
0,5840 den luden gabe hat gegebe-
0,5841 Daz wolken sie nuo shire enphi-g
0,5842 der herre in sin riche ging
0,5843 Mit ime daz wvnnecliche her
0,5844 der her saz nu in der gewer
0,5845 Zu sines vater rehten hant
0,5846 also fur uf der heilant
0,5847 Do nu der phingesdag erstunt
0,5848 die lobeliche godis frund
0,5849 Waren bi einand' gar
0,5850 zu Ierusalem an einer shar
0,5851 Die herliche menie
0,5852 lagen an ir venie
0,5853 Vasten weinen sin gebet
0,5854 ieder man besunder det
0,5855 Sie sazen alle da bi ein
0,5856 da in der drost vo- gode ershin
0,5857 Iz quam ein snelliclicher boz
0,5858 also eins gehen windis doz
0,5859 Da von ein hus erbiben sol
0,5860 daz hus wart alliz gnaden wol
0,5861 D' geist alda shuf wnder
0,5862 er besaz besunder
0,5863 Iegeclichen wirdecliche
0,5864 er besaz si lobeliche
0,5865 alle dugent alle kunst
0,5866 si hatten godeliche gunst
0,5867 Si waren sund' meisterstul
0,5868 kumen hie zu hoher shul
0,5869 Ir meist' waz der heilege geist

0,5870 d' gab in werde folleist
0,5871 Zuo dugent vn- zu wisheit
0,5872 in waz zu stede da bereit
0,5873 Daz sie kunden alle shrift
0,5874 daz wnder wart alda gestift
0,5875 Daz in daz alliz kundig was
0,5876 daz ir kein doch nie gelas
0,5877 In waz alle sprache kunt
0,5878 die kunden sie alda zu stunt
0,5879 Durnethecliche als eren namen
0,5880 hie von die lude hatten gamen
0,5881 Da sie die h'ren sahen
0,5882 glich alle sie da iahen
0,5883 Si weren winis drunken
0,5884 da waz iz von den funken
0,5885 Des heilegeistis glude
0,5886 da von wus ir gemude
0,5887 Da waren vz alleme lande
0,5888 lude maniger handen
0,5889 Die horten alle ir sprache da
0,5890 si nam wunder alle iesa
0,5891 Si iahen "wie mag diz gesin
0,5892 daz wnder daz hie wirdit shin
0,5893 Wer hat iz geshen me
0,5894 die lude sint von galyle
0,5895 Die alle sprache kosent hie
0,5896 wer gesach daz wnder ie"
0,5897 Diz ist nit vnderwegen bliben
0,5898 er dauid hat iz auch beshriben
0,5899 In deme salter aber e
0,5900 er sprach "non sunt loquele
0,5901 kein sprache ist nerge- noch key- rede
0,5902 man habe ir sti-me sa zuo stede
0,5903 Gehort d' h'ren sa zu stunt"
0,5904 her johel hat iz auch v'kunt
0,5905 Von godelicher folleist
0,5906 er sprach "ich wil minen geist
0,5907 Giezen uf aller hande man
0,5908 uwer kint wissagent dan"
0,5909 Mathias iedoch wider drat
0,5910 an des vngedruwen stat
0,5911 Der sinen h'ren so verriet
0,5912 vn- bitterliche von ien shiet
0,5913 Sin bishedume ein and' hat
0,5914 also auch in deme salter stat
0,5915 Zvwilf ir aber waren
0,5916 sam in den vorderen iaren
0,5917 Erfullit wart d' h'ren zal

0,5918 die noch h' paulus meren sal
0,5919 kurzeliche wrden sie v'sant
0,5920 al v-me vn- v-me in alle lant
0,5921 Zuo predigene vn- zu sagene
0,5922 vn- godis wort zv dragene
0,5923 al v-me in die w'nd wit
0,5924 da von der kunig dauid
0,5925 Gesaget ordenliche hat
0,5926 in siner buch geshriben stat
0,5927 Iedoch des h'ren lobesam
0,5928 alsus "In omnem terram
0,5929 In alle lant ir stimme ershal
0,5930 ir wort in allen enden hal"
0,5931 Si p-degeten vn- larten
0,5932 d' lude sie vil bekarten
0,5933 Zuo cristenlichem lebene
0,5934 zuo lazene vf zu gebene
0,5935 aller werlde ere
0,5936 diz waz der h'ren lere
0,5937 Wnder sie da stalten
0,5938 appetgode si falten
0,5939 Ir te-pel wrfen si der nider
0,5940 si mahten hohe munster wider
0,5941 Closter vnde cellen
0,5942 pharre vn- auch capellin
0,5943 Sus ws der cristenheide kraft
0,5944 zu meist doch von der heidenschaft
0,5945 Die horten gerne godis wort
0,5946 in allin landen hie vn- dort
0,5947 Die iuden ware- in zu hart
0,5948 iedoch ir fil gedauft wart
0,5949 Die heiligen guzzen auch ir blut
0,5950 si duhte selig vn- gut
0,5951 Daz si dreden an daz spor
0,5952 daz in sa lobeliche vor
0,5953 Ir heiler vn- ir h're drat
0,5954 si hielden sich an diesen phat
0,5955 Sa sie mohten allermeist
0,5956 da half in zu der heilge geist
0,5957 auch daden si bisunder
0,5958 gar lobeliche wnder
0,5959 als in von godelicher maht
0,5960 gegeben waz vn- vf gelaht
0,5961 Si daden lame lude gen
0,5962 si daden doden uf ersten
0,5963 Si daden halzen springen
0,5964 die stu-men lude singen
0,5965 Malaten sie reinegeten

0,5966 zu gode sie v'eingeten
0,5967 Si mahten blinden sehende
0,5968 an ihesum cristu- iehende
0,5969 Si gaben auch den dauben
0,5970 gehorde vn- rehten glauben
0,5971 Besezzten man si ledegeten
0,5972 si larten vn- p-degeten
0,5973 Glouben han an eine- got
0,5974 der aller dinge hat gebot
0,5975 Wie die drivaldekeit
0,5976 hat ewecliche vndersheit
0,5977 Vnde eine einekeit doch hat
0,5978 einvalt vn- drifalt si stat
0,5979 Ia der sun vn- auch der vater
0,5980 und der heilege geist ir gader
0,5981 Dri an drin psonen sint
0,5982 an der psonen vnd'bint
0,5983 Vnd sint doch alle dri alein
0,5984 mer joch mi-re ist ir kein
0,5985 Wan die godelich gewalt
0,5986 ist allez einlich vn- drifalt
0,5987 An personen sint ir dri
0,5988 wie enig doch ir wesen si
0,5989 Die personen sund'lich
0,5990 gar eigentliche sheident sich
0,5991 An sunderlich' krefte
0,5992 an sunder eygenshefte
0,5993 Mer ioch minre ist ir kein
0,5994 ir drier wesen ist alein
0,5995 hie mag man pruben wnd'
0,5996 personen dri bisunder
0,5997 Machint alle ein einekeit
0,5998 wesende an der gotheit
0,5999 Dri psonen sint ein got
0,6000 wie doch der vater ha gebot
0,6001 Vnd der sun die wisheit
0,6002 d' geist des willen suzekeit
0,6003 Wisheit . wille . vn- auch gebot
0,6004 ist alliz doch ein enig got
0,6005 Glich ewig . glich gewaldig
0,6006 gar einlich gar drifaldig
0,6007 D' vater ane gende ist got
0,6008 wie er habe doch gebot
0,6009 Got ist auch ware sun
0,6010 wie er wisheit muge dun
0,6011 Got ist auch der heilege geist
0,6012 wie he des willen ha der meist
0,6013 Wisheit wille vn- auch gebot

0,6014 ist aber doch ein einig got
0,6015 Ir wesen niht en driet sich
0,6016 wie die psonen sunderlich
0,6017 haben alle ir sund' kraft
0,6018 vn- alle ir sund' eigenschaft
0,6019 Einlich ist ir wesen ie
0,6020 diz eigenit vn- driet sie
0,6021 D' sun enphing die mensheit
0,6022 nach des geistes suzekit
0,6023 Da gab der vater zu gebot
0,6024 sus sint die dri ein einig got
0,6025 Sus ist daz ewecliche leben
0,6026 einlich vn- drilich vnd'weben
0,6027 Ebenewig ebenher
0,6028 seht daz waz dirre h'ren ler
0,6029 Diz predigeten vn- larten sie
0,6030 den glauben liezen sie uns hie
0,6031 Den solle wir doch v-mer han
0,6032 hie mide solle wir bestan
0,6033 kvnde ich nu wirdecliche kosen
0,6034 vo- der hochgelobten rosen
0,6035 Die vrawe ob allen vrowen ist
0,6036 die vnse h're ihesus crist
0,6037 Zu muder vz erwelit hat
0,6038 sa sulte ich finden einen rat
0,6039 Daz ich en dorfte nit v'dagen
0,6040 ich en sulte ein lutzal sagen
0,6041 Von der lobelichen vart
0,6042 wie die kuneginne wart
0,6043 Gefurt sa wunecliche
0,6044 hiene zu himelriche
0,6045 Mag ich nuo reden wol
0,6046 sa horet waz ich vch sagen sol
0,6047 Waz eigentliche ich sprechin mag
0,6048 maria hute vf disen dag
0,6049 alsus diesen mi-nen brief
0,6050 den her salomon doch rief
0,6051 Von des heiligen geistis wegen
0,6052 d' sin mit wisheit ku-de plegen
0,6053 "Min sele sich zuolazen hat
0,6054 sint min frunt gekosit hat
0,6055 Sa han ich in zu stunden
0,6056 gesucht vn- doch niht funden
0,6057 Ich rief mit inneclicher gir
0,6058 antwrte en gab er dannoch mir
0,6059 Der stede wachter mich iesa
0,6060 funden in den ziten da
0,6061 Sie wndeten vn- slugen

0,6062 mich sere in den vnfugen
0,6063 Der muren wechter vnder in
0,6064 drugen minen mantel hin
0,6065 Von iherusalem ir meide
0,6066 minen frunde saget gereide
0,6067 Daz ich si von minnen cranck”
0,6068 daz waz marien minnensanck
0,6069 Iren frund den wolt sie haben
0,6070 si hatte siner liebe entsaben
0,6071 Vn- der himel suzekeit
0,6072 des hatte sie daz suze leit
0,6073 Zarten iamer vm ir frunt
0,6074 marien wol die clage stunt
0,6075 Ey edele kuneginne
0,6076 wie kanst duo dragen mi-ne
0,6077 Zuo eime fursten riche
0,6078 duo mi-nes wirdecliche
0,6079 Er mi-net dich hin wied’ wert
0,6080 iegelich des ande’n mi-ne gert
0,6081 Er diner als du siner dust
0,6082 da vo- duo bilche dragen must
0,6083 Vrowe die himelcrone
0,6084 die er dir git zuo lone
0,6085 Vmme alsoliche minne
0,6086 du bist die kuneginne
0,6087 Der kunig ist din zartiz kint
0,6088 die zwei gar ware minne sint
0,6089 Iedoch in dirre selben vrist
0,6090 d’ wunecliche h’re crist
0,6091 Mit einer wrdeclichen shar
0,6092 quam zu siner muder dar
0,6093 Die in hatte hie rezogen
0,6094 he hatte ir bruste hie gesogen
0,6095 Da he die lobelichen sach
0,6096 in luterkeide er zu ir sprach
0,6097 “Du zartiz durteldubelin
0,6098 du vzerwelte frundin min
0,6099 Dv luter shone sunder wal
0,6100 kein flecke hat an dir nit mal
0,6101 Din zunge honig guzit
0,6102 din munt mit seime fluzit
0,6103 Vn- din adelicher smag
0,6104 vber alle crudere riche- mag
0,6105 Siech der wint’ ist zurgan
0,6106 iz hat sin reinen auch gelan
0,6107 Die blume- lobelich vf gent
0,6108 die wingart alle i- blute stent
0,6109 Die durteldube singet nu

0,6110 In vnser gemde frunden duo
0,6111 Stant uf ile wis bereit
0,6112 kum in groze wirdekeit
0,6113 kum her von dem lybano
0,6114 gecronet salt duo sin ieso”
0,6115 Seht . daz was cristus widerrede
0,6116 nuo waren kume- da zu stede
0,6117 Sine iu-geren auch iesa
0,6118 des wart die edele Maria
0,6119 V’richtet mit der heilekeit
0,6120 die zu dem ende ist uf geleit
0,6121 Sa daz alliz da erging
0,6122 mariam wirdecliche enphing
0,6123 D’ hohe furste in sine gewalt
0,6124 die himelkore manigwalt
0,6125 Sungen vn- waren vro
0,6126 hiene fur die kunegenne do
0,6127 Lylien vnde roselin
0,6128 violen zideloselin
0,6129 Vnde aller hande blume
0,6130 waren ir zu rume
0,6131 Zu dinste harte wol bereit
0,6132 si mahte- ir ein ummecleit
0,6133 Sie hatte dienstes keine- bruch
0,6134 ir diene auch adelich geruch
0,6135 Mirre balsame vn- aloe
0,6136 kardemame . Gamandre
0,6137 Muscaden vn- nagelin
0,6138 kubeben galgan . Cinemin
0,6139 Vn- allir adelich gesmag
0,6140 der von wrzen riechen mag
0,6141 D’ waz allir samit da
0,6142 mit der kunegin iesa
0,6143 Da die hymelshe shar
0,6144 d’ kuneginne wart gewart
0,6145 Von in ein suze sti-me erclang
0,6146 sie sunge- diesen wnd’sang
0,6147 “W” ist die vrawe i- dirre wat
0,6148 die sa lobeliche uf gat
0,6149 Die uf gende wirdet shin
0,6150 same ein rauchis gertelin
0,6151 Von wirauch vn- merren
0,6152 mit diesme hymelherren
0,6153 War rihtis du dich wise magit
0,6154 ein morgens shin an dir bedagit
0,6155 Du gest uf als ein morgenrot
0,6156 dem dy sunne ir shin enbot
0,6157 Dir edele dohter von syon

0,6158 gar suze ist diner sti-me don
0,6159 Du bist shone fur al war
0,6160 dem manen bist du gliche clar
0,6161 Vzerwelte kunegin
0,6162 glich der claren sunnen shin”
0,6163 Sus furen si wirdecliche
0,6164 hien in daz hymelriche
0,6165 mit ganzer wurde shone
0,6166 ir wart auch uf ein crone
0,6167 Die sie ewecliche zieret
0,6168 man singet vn- iubilerit
0,6169 Vor ir u-mer ane zil
0,6170 ir dienet auch iu-cfrauwe- vil
0,6171 der kunig dauid disen rat
0,6172 gar ordenliche beshriben hat
0,6173 In sime saltersange iesa
0,6174 sus “astitit regina
0,6175 Zu diner siden kunig rich
0,6176 ein kuneginne lobelich
0,6177 Stunt in gar hoher aht
0,6178 ir cleider waren auch gemaht
0,6179 Verguldet unde manigfalt
0,6180 was ir vmmekeit gestalt
0,6181 Dochter hore neige dich
0,6182 sich den kunec lobelich
0,6183 Nach diner shone hat behagit
0,6184 din bilde wunecliche magit
0,6185 alle die richen vz er shar
0,6186 bedent dich ane Iz kumet dar
0,6187 In din ere megede vil
0,6188 kunegis dohtere ane zil
0,6189 Si w’dent in den tempel braht
0,6190 da man vreden hat gedaht”
0,6191 D’ kunig ist der here crist
0,6192 von deme hie gesagit ist
0,6193 Die kuneginne ist die magit
0,6194 maria von der ist gesaget
0,6195 Die hat sa groze wirdekeit
0,6196 mit ir kinde an vnderheit
0,6197 Ey vrouwe drosterinne
0,6198 durch dines Kindes mi-ne
0,6199 Daz du mit reine- gelusten
0,6200 sougete an dinen brusten
0,6201 Duo vns dine helfe shin
0,6202 du weist wol daz wir nit en sin
0,6203 Leider also vollekuomen
0,6204 daz wir vns selbe moge- fruome
0,6205 Des hilf v-s edele rose rot

0,6206 wen diner helfe dunt vns not
0,6207 Vn- dines zarten kindes
0,6208 iz en si daz du enbindes
0,6209 Vnser not mit diner craft
0,6210 si blibe wir vnsigehaft
0,6211 Des gib daz wir die wirdekeit
0,6212 vn- auch die hohen clarheit
0,6213 Nach dieseme enlende
0,6214 in sines vater hende
0,6215 In dines vater riche
0,6216 besizzen wirdecliche
0,6217 Mit aller hymelsen shar
0,6218 du hilf vns edele rose dar
0,6219 hilf vns auch dugentriche me
0,6220 daz wir an des libes e
0,6221 Des vngedruwe- falsen list
0,6222 den man nennet antecrist
0,6223 Vnde siner vor genanten boden
0,6224 von vnser sele so geroden
0,6225 Daz wir mit keinen funde
0,6226 nuo noch alle stunde
0,6227 Von en id w'de uoberrant
0,6228 des sist duo kunegin mant
0,6229 Ia dirre duveliche man
0,6230 geboren w'den sol von dan
0,6231 Dan der zwilf svne einer hiez
0,6232 die iacob in egypten liez
0,6233 Same ir lange hat v'nuomen
0,6234 von des geslehte sol er kumen
0,6235 Von eime iuden wibelin
0,6236 daz sal iedoche daz boste sin
0,6237 Von deme selben kunne
0,6238 vndugent wirt sin wonne
0,6239 Liegen vn- vnkushekeit
0,6240 vn- aller slahte bosheit
0,6241 Sal daz wib mit flize duon
0,6242 des fehet nach ir auch d' suon
0,6243 Den daz wibelin gebirt
0,6244 boser vil er dannoch wirt
0,6245 In zit der duvel in in fert
0,6246 vn- im alle dugent wert
0,6247 Seht da zuhit er in von
0,6248 Er get vz von babylon
0,6249 Sin meist' git im auch gewalt
0,6250 vber shatz gar manigfalt
0,6251 Den sewet er i- alle lant
0,6252 des gent die h'ren im in hant
0,6253 Daz sie nach sinen wille- lebent

0,6254 wan sie nach deme shatze strebe-t
0,6255 alsus werdent sie bedrogen
0,6256 alsus wirt er uf gezogen
0,6257 Daz er gewinnit einen thron
0,6258 vn- ne-nit sich "vo- babylon
0,6259 Ein furste" sa gewaltig
0,6260 d' kunege manigfaltig
0,6261 Zuo iherusalen er kumit dan
0,6262 vnkusze vol der bose man
0,6263 Er machit den tempel wider
0,6264 d' von den romeren nider
0,6265 Lange vor gebrochen was
0,6266 vn- gieht er si Messyas
0,6267 Der w'nde losere
0,6268 von dem die wisagere
0,6269 Die ppheten hant geseit
0,6270 des volgit im die iudesheit
0,6271 Wan sie glauben alle an in
0,6272 sus zuhit er die iuden hin
0,6273 Daz sie wenent alle also
0,6274 vn- w'dent siner kunfte vro
0,6275 Sin meist' lerit in auch daz
0,6276 daz er guder lude haz
0,6277 Gewinnit also krefteclich
0,6278 daz er mit allen dingen sich
0,6279 also dar zuo stellet
0,6280 daz er die guden fellit
0,6281 Von godelichem lebene
0,6282 daz dut er nu mit gebene
0,6283 Vn- nuo myit falsher lere
0,6284 die swachen fallent sere
0,6285 Iedoch die starke- faste stent
0,6286 vngerne sie vo- gode gent
0,6287 Sa legit er in zeichen fure
0,6288 hie sehe iegelich' fur die dure
0,6289 Daz er it w'de da bedrogen
0,6290 wan die zeichen sint gelogen
0,6291 God v'hengit der gewalt
0,6292 daz die duvele manigvalt
0,6293 Vz den bilden mogent kosen
0,6294 wer in danne wil gelosen
0,6295 D' wirt aber da bedrogen
0,6296 wan daz kosen ist gelogen
0,6297 hie vor die lude sich bewarn
0,6298 die dufele in die greber farn
0,6299 In d' doden wis si sagent
0,6300 si weine- rienen vn- clagent
0,6301 Daz si cristes lebene

0,6302 gefolgeten iesa ebene
0,6303 W' des gestet der ist bedrogen
0,6304 wan daz rienen daz ist gelogen
0,6305 Sin mest' lerit in aber dan
0,6306 daz er quale finden kan
0,6307 Da mide er die festen quuele
0,6308 vn- si zu falle also erwele
0,6309 Waz lude danne vaste stant
0,6310 vn- die quale gerne enphant
0,6311 Die sint d' mertelere genoz
0,6312 vn- enphahent vrode groz
0,6313 Vmmer ewecliche
0,6314 mit gode in sime riche
0,6315 Waz lude im ab' volgit nach
0,6316 den ist in rehten druwe- gach
0,6317 Daz sie zu der hellen farn
0,6318 vn- sich vor selekeit bewaren
0,6319 Doch e daz ding also erge
0,6320 so sal her enoch kumen e
0,6321 Vn- auch der gude helyas
0,6322 von dem h' malachyas
0,6323 In siner shrif gesagit hat
0,6324 same hie vor geshriben stat
0,6325 Seht die hat vnser h're
0,6326 behalten also verre
0,6327 Biz dar in liblicher wer
0,6328 ia daz reine godis her
0,6329 Den luden sullent lere geben
0,6330 daz sie behalten rehtiz leben
0,6331 Vn- cristenlichen glauben han
0,6332 vn- daz sie sich mit nihte en lan
0,6333 an des vngedruwen list
0,6334 d' da heizet anticrist
0,6335 Wan daz sie haben reinen muot
0,6336 vn- ahten nit des bosen guot
0,6337 Vn- siner falshen lere
0,6338 daz sie durch godis ere
0,6339 ahten siner zeichen niht
0,6340 vn- daz iemerlich geshit
0,6341 Daz er die guden slehet dot
0,6342 da mit er stellet iamernot
0,6343 Wen daz sie gar nach rehte
0,6344 gedruweliche knehte
0,6345 an godis dienste bliben
0,6346 vn- sich nit lazen driben
0,6347 Von d' hymel wirdekeit
0,6348 die den guden ist bereit
0,6349 Vmmer ewecliche

0,6350 mit gode in sime riche
0,6351 So der bose wirt gewar
0,6352 daz sa michel wirt sin shar
0,6353 Die den h'ren volgen nach
0,6354 sa wirt im endruwe- gach
0,6355 Wie er den rat gestelle
0,6356 daz er daz reht gefelle
0,6357 Seht in der geshichte
0,6358 besizzit er ein gerihte
0,6359 Vn- dut die heiligen bede iedoch
0,6360 helyam vn- auch enoch
0,6361 Iemerliche ermorden
0,6362 ey cristenlicher orden
0,6363 Wie wirt dan der genideret
0,6364 vn- vnreht uf gefideret
0,6365 Daz flugit dan mit ga-zer kraft
0,6366 die lude fallen sharhaft
0,6367 an anticristis falsheit
0,6368 die heiligen iedoch sint gereit
0,6369 Daz sie faste striden
0,6370 vn- e die martil liden
0,6371 Dan sie von gode sheiden sich
0,6372 die zit sal w'den iem'lich
0,6373 Ia sa iemerliche zit
0,6374 daz lange vor vn- aber sit
0,6375 Sa groze noht wart nie gesehen
0,6376 alsolich iam' sal geschen
0,6377 Die selben zwene godes man
0,6378 vnbegraben ligent dan
0,6379 an der strazen vmme daz
0,6380 daz die lude desten baz
0,6381 Shrecken an ir dode haben
0,6382 des bliben si sus v-begraben
0,6383 Dri vn- eine- halben dag
0,6384 groz jam' ma- da shauwe- mag
0,6385 So dan der virde halber kuomit
0,6386 got die gnade in ab' vruomet
0,6387 Daz in git der heilige geist
0,6388 zu lebene aber folleist
0,6389 Zuo lone wirt in dan gegeben
0,6390 vrode vn- eweclichez leben
0,6391 Der bose sendit sa zuhant
0,6392 boden vz in alle lant
0,6393 Die w'bent sine bodeshaft
0,6394 den git der duvel diese kraft
0,6395 Daz sie die zeichen wirkent auch
0,6396 die der dufeliche gauch
0,6397 Vor den luden dribet an

0,6398 seht w' mack vb' blibe- dan
0,6399 Der zu falle niht en kuome
0,6400 wen daz ist doch d' beste fruome
0,6401 Daz des vngetruwen strit
0,6402 nit weren sal gar lange zit
0,6403 Sin h'shaf werit al fur war
0,6404 ein halbiz follen vn- dru iar
0,6405 Die not er alsus lange dribit
0,6406 same her danyel beschribit
0,6407 Als er geschriben hat alda
0,6408 "tempus atq tempora
0,6409 Et temporis dimidium"
0,6410 diz mohte vch alle du-cken krvm
0,6411 Waz iz gesprochen were
0,6412 in duslicher mere
0,6413 Tempus dudit hie ein iar
0,6414 tempora zwei vffenbar
0,6415 Dimidium q temporis
0,6416 da sit eins halben an gewis
0,6417 Virdehalb daz aber ist
0,6418 sus lange hershet anticrist
0,6419 Der bose dut behalden sich
0,6420 eime doden menshen glich
0,6421 Biz der dritte dag erstet
0,6422 h' fur der wiht dan aber get
0,6423 Vn- seit er si erstanden
0,6424 vf von des dodes banden
0,6425 Er sprichit "ich bin godis suon
0,6426 des vater willen wil ich duon
0,6427 Min vater ist der ware got
0,6428 ich muoz erfullin sin gebot
0,6429 Zu im sal ich wieder farn
0,6430 min h'shaf sal vch hie bewarn
0,6431 Mit mir sult ir genesen
0,6432 des bin ich hie bi vch gewesen"
0,6433 Des folkes hobeliche shar
0,6434 sol mit ime kumen dar
0,6435 Mit vlize wollent sie besehen
0,6436 waz wnders wolle da geshehen
0,6437 Daz in die rede werde erkant
0,6438 die dufele hebent in zuhant
0,6439 Sie furen in gein der hohe wert
0,6440 dirre affenheit der dor begert
0,6441 Nu kumit her elyas
0,6442 same her malachias
0,6443 In siner shrifte hat gelesen
0,6444 enoch sol sin geverte wesen
0,6445 Die flehen vn- bieten got

0,6446 daz er do zeige sin gebot
0,6447 an deme dufelischen man
0,6448 daz iz die lude sehen an
0,6449 Die lude shauwent alle zu
0,6450 daz ende nahet iedoch nuo
0,6451 Wan vnser h're Ihesus crist
0,6452 d' h're vber alle kunegē ist
0,6453 Ein rihter vn- ein heilant
0,6454 sin h'shaft machit da bekant
0,6455 Sin gewalt vn- sin gebot
0,6456 ia der drost der ware got
0,6457 Nidir slehit den bosen wiht
0,6458 vor des folkes angesiht
0,6459 Daz in die warheit w'de kunt
0,6460 die engele kument sa zu stunt
0,6461 Vnde slahen die dufele abe
0,6462 sa lazen sie in vzer habe
0,6463 Vnde lazen in gew'den
0,6464 er fellit zu der erden
0,6465 Vil gar er zubristit
0,6466 daz folg nit langer vristit
0,6467 Si shauwent vn- sehent dar
0,6468 si nimit alle wnder gar
0,6469 Daz er so zubrosten lit
0,6470 si clagen ir v'lorn zit
0,6471 [.]Daz[.] sie die also han v'dan
0,6472 vf einen effenlichen wan
0,6473 Die warheit wieder planzit dan
0,6474 die doch die zwene godis man
0,6475 Den luden hant gesagit vor
0,6476 des kument sie wid' an daz spor
0,6477 D' heileclichen lere
0,6478 daz sie wiederkere
0,6479 Balde vn- endeliche duon
0,6480 an crist den waren godis suon
0,6481 Daz sie ruwen vn- leit
0,6482 vn- irs herzen bitterkeit
0,6483 Vn- ware bihte han
0,6484 vn- balde buze enphan
0,6485 Nach gnade- vm ir missedad
0,6486 solichen heilsamen rad
0,6487 Vorhien die h'ren hant gegeben
0,6488 die lude gahen vn- streben
0,6489 an geistliche vare
0,6490 zuo der h'ren lare
0,6491 heidene vn- ruozzen
0,6492 kriechen vn- pruzen
0,6493 Vngere . dattelere

0,6494 Shotten . franzoysere
0,6495 Walhe . vn- auch latyne
0,6496 Iuden . sarazine
0,6497 Vn- alliz folg waz sprache iz kan
0,6498 ein herte wirdit alliz dan
0,6499 Iz w'dent alle lude ein shar
0,6500 d' sal ein hirte neme- war
0,6501 Vnser h're sprach also
0,6502 in deme ewangelio
0,6503 hat er sus gesagit vor
0,6504 "erit vnus pastor"
0,6505 D' eine hirte daz ist got
0,6506 si nement alle sin gebot
0,6507 Sich hebit dan ein suzziz lebe-
0,6508 ein gelden vn- ey- widergeben
0,6509 Waz ieman vnrehtis hat
0,6510 iz wirt ein godelich' rat
0,6511 Sa wirt in menslich' e
0,6512 nieman erhohit furbaz me
0,6513 an keine- kuncelichen ruom
0,6514 ioch an der werlde richduom
0,6515 Same die heydenishe magit
0,6516 sybilla hat vns vor gesagit
0,6517 Vn- der heydenishe man
0,6518 virgilius . sich hebit dan
0,6519 Daz nieman v-me kauf en fert
0,6520 joch mit mure- sich erwert
0,6521 Wan ein and' ist gesant
0,6522 achylles nuo zu troyenlant
0,6523 Vn- hat v'rihtit gar den strit
0,6524 al vnfriede nuo gelit
0,6525 Sa diz alliz nuo ergat
0,6526 sa wene ich daz die w'nd hat
0,6527 Iedoch ir laufis leste zil
0,6528 ich wene daz die w'nd wil
0,6529 Vnlang in deme laufe gan
0,6530 wan alliz ding muoz ende han
0,6531 Ich wene daz ende danne gahit
0,6532 vn- die zit auch faste nahit
0,6533 Daz sich der iu-gestliche dag
0,6534 dan nit uil lange vrissen mag
0,6535 D' also engesliche kuomit
0,6536 d' iamer vn- fochte fruomit
0,6537 allen h'ren sa zu stunt
0,6538 daz in angist wirdit kuont
0,6539 Same die heidenishe magit
0,6540 hat vil rehte vor gesagit
0,6541 Vn- auch die lobeliche shar

0,6542 die ppheten alle gar
0,6543 Ia her sophonias
0,6544 von deme selben dage las
0,6545 Wie er engesliche enste
0,6546 er sprach "dies miserie
0,6547 Diz ist ein dag des zornis
0,6548 ein doz des herhornis
0,6549 Iamers bitterkeide vol
0,6550 groz angist da geshehen sol"
0,6551 Osee hat gesprochin sus
0,6552 "vrentem ventem dominus
0,6553 Got wil senden einen wint
0,6554 des aderen alle drocken sint
0,6555 Der vz der wstenv-ge vz get
0,6556 da mide ein furig fla-me erstet
0,6557 Doch in den selben sorgen
0,6558 wirt drost vil gar v'borgen"
0,6559 Ioel sprach in der stunde
0,6560 iedoch von godis mu-de
0,6561 "Minen geist ich sendin wil
0,6562 minen knehten vor der zil
0,6563 E der dag so vohteclich
0,6564 kume groz vn- engeslich
0,6565 Zeichene wil ich geben auch
0,6566 vo- himele . blut . fur . vn- rauch
0,6567 Die sunne in vinst'keit zuohant
0,6568 in blut der mane wirt v'want
0,6569 In der zit geshihet dan
0,6570 wer mine- namen rufit an
0,6571 D' wirt geheileget so zu stat
0,6572 daz folg wil ich zu iosaphat
0,6573 haufen alliz svnder wan
0,6574 wil ich mit in gerihte han"
0,6575 Ezechiel sprach auch zu stunt
0,6576 "multe de hiis qui dormiunt
0,6577 Vil lude erwecket werden
0,6578 die restent in der erden
0,6579 D' wirt iedoch ein deil gegeben
0,6580 in daz ewecliche leben
0,6581 Daz and' deil in ewig leit
0,6582 da bliben si an vndersheit"
0,6583 Noch ist d' ppheten vil
0,6584 d' ich nuo geswigen wil
0,6585 Die iz alliz hant geshriben
0,6586 waz hie iamers wirt gedriben
0,6587 Vf den engeslichen dag
0,6588 da nieman sich v'bergen mag
0,6589 Jedoch sal von erst geshehen

0,6590 daz man sal iam'zeichen sehen
0,6591 E der selbe dag erste
0,6592 alsolich not geshihet e
0,6593 Gein dem wndervreisen
0,6594 den luden mag wol eysen
0,6595 Die dan sin an lebene
0,6596 vn- daz geschauwent ebene
0,6597 Ir sint fvnfzehene an der zal
0,6598 iedoch nieman wizzen sal
0,6599 Wan iz nieman hat v'nuomen
0,6600 ob sie nach einand' kuomen
0,6601 Von langer zit vo- langer vrist
0,6602 diz ding niema-ne kundig ist
0,6603 Daz erste zeichen ist also
0,6604 daz mer vber alle berge ho
0,6605 Sal virzig elen hohe gen
0,6606 an siner stede sal iz sten
0,6607 Einer muren glich gestalt
0,6608 daz wnd' shauwet iu-g vn- alt
0,6609 Daz ander zeichen also stat
0,6610 daz mer sich wider nieder lat
0,6611 Vn- senkit sich zu tal
0,6612 daz man iz kume prufen sal
0,6613 daz dritte daz ist sogedan
0,6614 man sihit vf dem mere gan
0,6615 Die merwnder vberal
0,6616 die hebent einis rufis shal
0,6617 D' in den himel langen mag
0,6618 daz wirt ein iem'licher dag
0,6619 Daz virde zeichen so geshihit
0,6620 daz man alle wazzer siehit
0,6621 In fla-men vn- in fure sten
0,6622 diz wnd' sal also ergen
0,6623 Daz funfte horit vberlut
0,6624 alle bavme vn- allez crut
0,6625 Von bluode lazent einen sweiz
0,6626 daz ist auch wnd' gode weiz
0,6627 Daz seste daz ist so erkant
0,6628 alle muren sa zuhant
0,6629 Vnd allez zimmer vallen sol
0,6630 da mag ma- iamer shauwe- wol
0,6631 An deme sibende- shauwit man
0,6632 daz alle steine heben dan
0,6633 Zu einander einen boz
0,6634 da wirt vil manig hertter stoz
0,6635 Daz ahte daz ist sus gevar
0,6636 alliz ertgeruste gar
0,6637 Mit einander sal erbiben

0,6638 da wirt auch angist an gedriben
0,6639 daz nunde also geshehen sal
0,6640 alle berge . vn- alle dal
0,6641 Sich glichen dan der erden
0,6642 sa cleine sal iz werden
0,6643 Daz zehende daz ist iem'lich
0,6644 daz alsus erhebit sich
0,6645 her fur die lude kriechen
0,6646 amehtig glich den sichen
0,6647 Da sie waren in den holen
0,6648 biz sie die angist musten dolen
0,6649 Si sint vor amehtekeit
0,6650 auch zuo spreche vngereit
0,6651 Daz eilfte daz ist sodedan
0,6652 daz ma- vf den greberen stan
0,6653 Der doden bein vfreht gesiht
0,6654 daz selbe wnder da geshiht
0,6655 Daz zwilfte zechin so ergat
0,6656 waz sterren nuo d' hymel hat
0,6657 Zuo dem mal alle fallent nider
0,6658 noch grozer ding geshiehet sider
0,6659 Nv sal daz drizehende kuomen
0,6660 als ich vil rehte han v'nuomen
0,6661 alle lude sterben dan
0,6662 iz sin vrouwen ader man
0,6663 Die da an libe sint gewesen
0,6664 der sal leider nit genesen
0,6665 Daz vierzehende wnder frumit
0,6666 ein sa grozer flamme kumit
0,6667 Daz hymel vn- erde berg vn- dal
0,6668 alliz gar verbernen sal
0,6669 Daz leste solich wunder birt
0,6670 hymel vn- erde nuwe wirt
0,6671 Vnd der suonnen gliche clar
0,6672 daz sagit man vns vffenbar
0,6673 UNser h're erzeiget sich
0,6674 Eime hohen fursten glich
0,6675 Oben an von orient
0,6676 biz nieden an den occident
0,6677 Same ey- hoch gewaldig got
0,6678 d' hymel vn- erden hat gebot
0,6679 Er siztzet eben als ein snur
0,6680 da er vf zuo hymel fur
0,6681 Sinen stuol sin tribunal
0,6682 in daz wolken so zuo mal
0,6683 Brenget man gefurt dort her
0,6684 sin cruce nagele vn- daz sper
0,6685 Vn- auch sin dornin crone

0,6686 die shauwent da gar shone
0,6687 Mildekeit wirt da verborn
0,6688 die engele blasent da ir horn
0,6689 Ir busvnen diezzent
0,6690 daz ir sti-me erdiezzent
0,6691 In die w'nd uberal
0,6692 sie heben drureclichen shal
0,6693 Sie rufen vn- shrient not
0,6694 "wol vf wol vf god iz gebot"
0,6695 angst vn- iamerdage
0,6696 Sich heben vn- ruwenclage
0,6697 Die doden stent vf vnde lebent
0,6698 die grebere alle wider gebent
0,6699 Ir corpere ir gebeine
0,6700 sa werdent aber eyne
0,6701 Lip vn- sele zu der stat
0,6702 sie kuoment hin zu iosaphat
0,6703 Alle die erstanden sint
0,6704 iz weren alte lude kint
0,6705 Si kume-t alle samet dar
0,6706 alle iedoch also gevar
0,6707 Wie hie die lude waren
0,6708 bi iren drizig iaren
0,6709 So sitzit vnser here dort
0,6710 ieweder sines mu-des ort
0,6711 Ershine- sal ein furig swert
0,6712 daz ist entruwe- fohte wert
0,6859 daz dritte man ouch lihte drage
0,6860 daz man iedoch die firedage
0,6861 Gar vlizeclihe halden sol
0,6862 daz hilde ey- ieglich menshe wol
0,6863 Daz virde ist auch sogedan
0,6864 du salt vader vn- muder han
0,6865 alle zit in eren
0,6866 da von sich mag gemeren
0,6867 Din leben vnd din selekeit
0,6868 Daz fuonfte also ist uf geleit
0,6869 Daz duo nieman slahis dot
0,6870 got mit flize daz gebot
0,6871 Daz seste daz ma- sich bewar
0,6872 vor vnkusheide gar
0,6873 Duo salt haben reinez leben
0,6874 daz ist zu reinekeit gegeben
0,6875 Daz siebende ist niema- en drug
0,6876 daz duo id w'dis fals gezug
0,6877 Vber lib ioch vber gut
0,6878 er hat vnrht wer daz dut
0,6879 Daz ahte daz du nit en queles

0,6880 wie duo dime ebencristen steles
0,6881 Weder gut ioch kein sin habe
0,6882 da salt duo rehte lazen abe
0,6883 Daz nunde ist auch also geshiht
0,6884 daz duo begeren salt durch niht
0,6885 keines ma-nes elich wib
0,6886 wande sie beide sint ein lib
0,6887 Daz zehende iedoch also stet
0,6888 daz die lude alle an get
0,6889 Niht beger mit keiner dat
0,6890 waz din ebencristen hat
0,6891 Vn- waz er haben sal durch reht
0,6892 esel magit ode kneht
0,6893 Ioch alle ding waz leie iz si
0,6894 ie mirket lieben alle bi
0,6895 W' die gebot v'brichit
0,6896 vn- da uo- niht en sprichit
0,6897 Sine bihte in andaht
0,6898 die w'dent auch da hiene braht
0,6899 Si muozent alle kuome- dar
0,6900 d' wirt auch ein michel shar
0,6901 An d' stat auch nider ligit
0,6902 w' der sinne nit auch en pligit
0,6903 Die vns zu gude sint gegeben
0,6904 daz sie v'rihten vnser leben
0,6905 Daz man sie v'rihte
0,6906 von erst an der gesihte
0,6907 W' hengen wil den augen
0,6908 daz sie sehent vndaugen
0,6909 Waz der sele shaden mag
0,6910 vn- w' wil horen allen dag
0,6911 Daz auch der sele ist shedelich
0,6912 vn- . w' auch dan wil vlizen sich
0,6913 Daz er zuo allen ziden
0,6914 wil dasten vnde liden
0,6915 Waz der daste sanfte dut
0,6916 w' auch wil haben sine- muot
0,6917 Vn- zuo rume deme gesmacke
0,6918 mit siedene vn- mit gebacke
0,6919 Mit aze vn- auch mit dranke
0,6920 wer auch wil zu danke
0,6921 Diensthafft deme ruche sin
0,6922 der lezit rehte w'den shin
0,6923 Daz er im gerne ist vnd'tan
0,6924 si wollin in zu knehte han
0,6925 an waz luden daz geshihit
0,6926 w' so horit dastit sihit
0,6927 Ruchit ader smackeit

0,6928 die muozent dugende nackit
0,6929 Weiz got alle kumen dar
0,6930 d' wirt auch ein michel shar
0,6931 Wa sit ir nu h' judas
0,6932 h' kayn vn- h' kayphas
0,6933 her phebus . vn- h' jupiter
0,6934 her starcker . alexander .
0,6935 Frauwe venus . vn- frau pallas
0,6936 achiles . vn- Eneas
0,6937 Paris . hector . h'cules
0,6938 vn- auch der wise vlixes
0,6939 her symon . vn- her nero
0,6940 h'odes . vn- pharao
0,6941 Ir juden ir sarrazine
0,6942 ir gedauften kauw'zine
0,6943 Ir pruzen . dattalere
0,6944 ir raub' . nahtbrand'e
0,6945 Ir morder vn- ir diebe
0,6946 seht ir uch nuo it liebe
0,6947 Ir sullit wez got alle dar
0,6948 also erfullit ir die shar
0,6949 wan ir sit gar der hellen kint
0,6950 hie mide gar begriffen sint
0,6951 waz lude hat vnrechtiz leben
0,6952 den wirt ein ewig fluch gegeben
0,6953 Ich wene der fluch doch also si
0,6954 "vos ite maledicti"
0,6955 So sprichit der ewecliche got
0,6956 gar zornliche diz gebot
0,6957 Mit zorne sprichit er zu in
0,6958 "gat ir bosen balde hin
0,6959 In daz fur in daz leit
0,6960 daz vch ist ewecliche bereit"
0,6961 Sa hebit sich ein shrien
0,6962 ein zannen maledien
0,6963 Vn- ein ewig vngemach
0,6964 si kuoment in die swebelbach
0,6965 Da von die heydenishe magit
0,6966 sybilla hat gar war gesagit
0,6967 Sa sprichit vnser h're dan
0,6968 "ir frunt ir kint ir lieben man
0,6969 Die minen willen hant gedan
0,6970 get her ir sullit vrede enphan
0,6971 In mines vater riche
0,6972 daz vch ist ewecliche
0,6973 vf gelegit vnde bereit
0,6974 in also ganzer stedekeit
0,6975 Sit deme aneginne"

0,6976 in godelich' minne
0,6977 hiene wert der h're vor
0,6978 sa dereten nach im an daz spor
0,6979 Des himelshen thronis
0,6980 die wirdig sint des lones
0,6981 Die h'ren alle vn- alle
0,6982 in rilichem shalle
0,6983 Sus hebit sich ein ewig shal
0,6984 vor den h'ren vberal
0,6985 Ein ewig vrode ein singen
0,6986 ein suzis harpen clingen
0,6987 Ein psalterizeren
0,6988 ein zartiz iubileren
0,6989 Ein seiten spil ein vrgelsang
0,6990 si sagent alle gode dang
0,6991 Si singen aber alle also
0,6992 "virtus honor domino"
0,6993 Si dankent wirdecliche
0,6994 deme kunege riche
0,6995 Daz er si dar zu hat erwelt
0,6996 daz man sie zu den vrouden zelt
0,6997 Nv helfit alle bieden got
0,6998 durch sin wirdecliche gebot
0,6999 Vn- durch die claren minne
0,7000 die zuo der kuneginne
0,7001 Der hochgelobte furste dregit
0,7002 an die er shonheit hat gelegit
0,7003 Vn- also groze wirdekeit
0,7004 in sime riche an vndersheit
0,7005 Daz er sin wirdecliches blut
0,7006 daz vz sinen wonden wt
0,7007 Daz er fur vnser missetat
0,7008 der kuonig h' gegozzin hat
0,7009 wulle auch an vns behalden
0,7010 daz wir id sin v'shalden
0,7011 Des eweclichen lebenes
0,7012 daz er id ha vergebenes
0,7013 Die quale also durch vns erlieden
0,7014 da er sa iemerlich v'sniden
0,7015 an deme vrone- cruze stund
0,7016 er wlle vns vnder sine frund
0,7017 an deme leisten dage zelen
0,7018 daz er vns da zu wlle erweln
0,7019 Des bieden wir den heillant
0,7020 deme alle h'zen sint erkant
0,7021 Die von libe quamen
0,7022 nu sprechit lieben AMEN .